



The Holy See

PIUS PP. X

MOTU PROPRIO

*IN ROMANAE CURIAE**

DE NOVIS QUARUNDAM BULLARUM FORMULIS
IN CANCELLARIA APOSTOLICA UTENDIS

In Romanae Curiae ordinatione, per Constitutionem *Sapienti Consilio* decreta, Cancellariae Nostrae Apostolicae prospicientes, munus commisimus coetui trium purpuratorum Patrum, id est Cardinalibus Cancellano, Datario et a Secretis Congregationis Consistorialis, quamprimum reformandi « formulas Bullarum collationis beneficiorum sive consistorialium, sive aliorum; itemque Bullarum constitutionis dioecesum et capitulorum; denique Regularum, quas Cancellariae vocant » (*Ordo servandus*, part. II, cap. 9, art. I).

Memorati PP. Cardinales, quibus id negotii demandatum est, re mature perpensa adhibitisque in consilium aliquot adlectis viris, officii partem expleverunt et novas considerunt formulas, quibus Cancellaria Apostolica uti debeat in conficiendis *Bullis*, hoc est apostolicis sub plumbo Litteris de beneficiis consistorialibus aliisve actis adnexit, easque formulas Nobis, ut par erat, probandas confirmandasque subiecerunt.

Quum vero easdem *Bullarum* formulas, prout in volumine typis edito continentur, diligenter inspexerimus Nostraequae voluntati plane respondere agnoverimus, Nos ex plenitudine Apostolicae potestatis ea omnino approbamus et confirmamus, atque hoc Nostro Motu-Proprio approbatas et confirmatas edicimus ac declaramus, mandantes, ut, antiquis Bullarum formulis hae novae sufficientur, eaedemque tantummodo, a die I mensis Ianuarii proximi anni MDCCCCXI ac deinceps, ab omnibus ad quos spectat religiose recipientur et inviolate serventur, non obstantibus quibusvis, etiam specialissima mentione aut derogatione dignis.

*Datum Romae apud Sanctum Petrum, die sacra Beatae Mariae Virgini ab origine labis experti,
anno MDCCCCX, Pontificatus Nostri octavo.*

PIUS PP. X.

*AAS, vol. II (1910), n. 23, pp. 939-940.

Copyright © Dicastero per la Comunicazione - Libreria Editrice Vaticana